

# Lahirkan program sokongan

**Program** pemerksaan ekonomi dan penubuhan dana kesejahteraan OKU antara yang dicadangkan bagi membantu dan memastikan nasib anak OKU terbelah.

Pengarah Pusat Kepimpinan Wanita Tun Fatimah Hashim, Prof. Madya Dr Madeline Berma, berkata program memperkasakan ekonomi yang membabitkan remaja OKU, berupaya mempertingkatkan peluang dan keupayaan OKU bekerja, sekali gus menjadi individu yang berdikari dari segi ekonomi.

"Program ini memberi latihan kemahiran asas sebagai persediaan memasuki dunia pekerjaan, kursus keusahawanan dan bantuan kewangan menjalankan perniagaan, selain khidmat mentor mentee kepada golongan OKU," katanya.

## **Dana kesejahteraan**

Cadangan penubuhan dana kesejahteraan OKU pula adalah satu dana untuk memberikan keselamatan ekonomi bagi golongan OKU.

"Kebanyakan daripada ibu bapa anak OKU, kluatir masa depan anak mereka. Apabila dana ini diwujudkan, ahli keluarga OKU boleh menabung dan menyumbang kepada dana ini untuk jangka panjang. Sumbangan OKU dan keluarga ini perlu dipadankan dengan sumbangan kerajaan. OKU juga boleh mengeluarkan simpanan ini pada satu ketika yang dipersetujui," katanya.

“  
Apabila dana ini diwujudkan, **ahli keluarga OKU boleh menabung dan menyumbang kepada dana ini untuk jangka panjang**”

**Madeline Berma,**  
Pengarah Pusat Kepimpinan  
Wanita Tun Fatimah Hashim

